



PROVEDORIADOS DIREITOS HUMANOS E JUSTIÇA



COMISSÃO DA FUNÇÃO PÚBLICA

KONKURSU PÚBLIKU REKRUTAMENTU, SELESAUN, NOMEASAUN NO PROMOSAUN PESSOÁL IHA ADMINISTRASAUN PÚBLIKA

TERMU REFERÊNCIA

I. Introdusaun

Bazeia ba Dekretu Lei no. 34/2008, 27 Agostu, ho nia primeira alterasaun husi Dekretu Lei No. 22/2011, 8 Junhu no segunda husi Dekretu Lei No. 44/2011, konaba rejime hala'o konkursu, Rekrutamentu, Selesaun, Nomeasaun no Promosaun Pessoal iha Administrasaun pública, nomos Despacho No. 15365/2025/PCFP, fo kompetensia ba painel juri hodi operasionaliza ba prosesu rekrutamentu vagas ajente administrasaun pública iha Instituisaun Provedoria Direitos Humanos no Justisa.

Konforme artigu 27º Lei Inan nian ne'ebé preve ezisténsia Provedor de Direitos Humanos e Justica, hanesan órgaun independente ida ho nia kna'ar atu haree no buka hatan sidadaun sira nia kesar hasoru poder públiku sira, atu verifika karik aktu sira ne'e tuir duni lei ka lae, mós prevene no hahú prosesu tomak hodi haburas fali justisa, no mos ho kompeténsia atu avalia kazu konkretu sira, sem poder desizóriu, maibe bele hato'o nia rekomendasaun sira ba orgaun competente sira.

Provedoria nu'udar instituisaun nasional independente, tuir Lei Numeru 7/2004, 26 fulan Maiu (Estatutu Provedor Direitos Umanus no Justisa) ho nia alterasaun dahuluk ba Lei Numeru 8/ 2009, 15 fulan jullu, fó kompetensia ba Provedoria atu promove no proteje direitos umanus, promove governasaun di'ak, halo reparasaun justisa no asegura estadu de direitu liu husi fiskalizaun judisiariu ba konstitusionalidade ba aktus normativas ne'ebé existe no verifikasaun inkonstitusionalidade por omisaun ba medidas legislativas sira.

Implementasaun atividades Provedoria dos Direitos Humanos e Justiça (PDHJ) nian bazeia ba Dekretu-Lei número. 31/2016, 13 Jullu, kona-ba organika PDHJ. Tan ne'e Provedoria dos Direitos Humanos no Justisa buka hela pessoal sira ne'ebé iha abilidade, experensia no qualidade profesionál iha área Boa Governasaun no Direitos Humanos. Hodi halo servisu fiskalizaun no rekomendasaun ho regularmente iha munisipiu sira hanesan Aileu, Ainaro, Baucau, Bobonaro, Covalima no Lautem maka PDHJ rekruta fiskalizador/a ba ema nain neen (6) hodi hala'o funsaun hirak ne'ebé mak temin iha termu referénsia ida ne'e.

Númeru Referênsia vaga	AAP/4/2025
Tipu konkursu	Públiku
Area ka funsaun	Fiskalizador/a
Kategoria/Grau-Eskalaun	Tekniku Profesional (Grau D 1° - Rejime Jerál)
Númeru vaga	Neen (6)
Modalidade	Kontratadu/a (Ajente Administrasaun Públika)
Durasaun	To'o lora 31 dezembru 2025 (posibilidade bele extende)
Fatin servisu	Aileu, Ainaro, Baucau, Bobonaro, Covalima no Lautem
Saláriu Mensal	USD 272.00 + USD 50.00 subsidiu alimentasaun/Mês & Subsidiu transportes USD 25.00
Relata ba	Diretur/a Delegasaun Territorial, Baucau, Same, Maliana

II. Deskrisaun Funsau

Delegasaun Territorial sira maka reprezenta Provedor Direitus Umanus atu aseguza Provedoria nia asesu ba populasaun tomak iha teritóriu tomak espesifiku liu tuir area jeografiku. Tan ne'e funsaun no responsabilidade servisu husi Tekniku Profesional Fiskalizador/a maka hanesan:

- 1) Apoiu, kordena, fasilita servisu fiskalizaun no rekomendasaun hodi prevene violasaun direitus umanus no governasaun di'ak;
- 2) Apoiu, kordena, fasilita servisu estudu no sepervizaun politika pública;
- 3) Kordena no fasilita servisu regular no urgensia hodi prevene violasaun, direitus umanus no violasaun hasoru governasaun di'ak;
- 4) Partisipa iha enkontru sira refere ba atividades fiskalizaun no monitorizasaun iha edifisiu PDHJ nian iha Delegasaun Territorial sira nomós iha edifisiu PDHJ iha Nasional;
- 5) Apoiu, kordena no apresenta planu mensal no kalendariu servisu relasiona ho fiskalizaun no rekomendasaun inklui monitorizasaun ba Diretor/a iha Delegasaun Territorial sira conforme area jeografika;
- 6) Halo relatoriu atividades fiskalizaun ne'ebé realiza ona no prepara pontu sira ba rekomendasaun hodi submete ba delegasaun Territorial no Nasional.
- 7) Elabora relatorius diários, semanal, mensal, trimestral, semestral no anual ba superior hirarkiku hanesan sasukat ba avaliaun desemepeñu anual;
- 8) Hala'o serbisu seluk ne'ebé orienta husi Diretor/a sira iha Delegasaun Territorial ho koordinasaun servisu husi Diretor/a sira seluk iha PDHJ Nasional Dili tuir nesiedade instituisaun.

III. Kualifikasaun

- 1) Mínimu nivel edukasaun lisensiatu iha area direitu, administrasaun públika, jestaun públika no politika públika no iha area siençia sosiais husi universidade akreditadu;
- 2) Mínimu tinan ida (1) esperiéncia servisu no konsidera mos ba sertifikadu estaziu profesional sira iha area relevantes;
- 3) Iha kapasidade no abilidade atu hodi prepara, fasilita no organiza atividade fiskalizasaun no rekomendasaun;
- 4) Iha kapasidade no abilidade atu hodi atendimentu ba públikus
- 5) Iha koñesimentu kona-bá estrutura no funsiamentu administração públika iha Timor-Leste;
- 6) Iha kapasidade no abilidade komunikasaun ne'ebé di'ak inklui kapasidade atu halo koordinasaun, ligasaun ho autoridade públika no instituisaun privadu iha nível munisipal to'o nivel aldeia sira;
- 7) Kapasidade no abilidade hodi servisu ho ekipa;
- 8) Prontu iha kualker tempu hodi hala'o servisu bainhira instituisaun prezisa;
- 9) Iha koñesimentu uza komputadór (inklui programa Microsoft Office, Excel, Power Point no abilidade komputador;
- 10) Iha koñesimentu no iha abilidade lian ofisial no seluk tan;

IV. Rekizitu jéral sira

Rekezitu Jeral ou Mandatoriu (Estatuto da Função Pública, Lei Nú. 8/2004, 16 Juñu, alteradu ho Lei Nú. 5/2009, Artigo 14º), atu sai funsonáriu públiku tenke:

- 1) Sidadaun Timor-Leste;
- 2) Tinan mínimu 17 no másimu 55;
- 3) La halo krime dolozu (halo ho hanoin a'at) ne'ebé korresponde ba kastigu iha kadeia ho durasaun to'o tinan 2 (dua) ka liu, ka la komete asaun seluk ruma ne'ebé hetan sansaun iha administrasaun públika;
- 4) La hetan demisaun husi knaar ka pozisaun sira iha funsaun públika mínimu iha tinan 5 (lima) ikus ne'e.

V. Prosesu Kandidatura

Kandidata/o sira tenke apresenta ka submete dokumentu sira hanesan tuir mai ne'e:

- 1) Karta rekerimentu tenke asina husi requerente;
- 2) Currículo Vitae (CV) tenke asina husi requerente nomos tenke asina husi referensia sira ema nain rua;
- 3) Foto kópia habilitasaun literarias legalizado husi Ministério do Ensino Superior Ciensia e Cultura (MESCC) RDTL no kandidatus apresenta diploma original wainhira passa ba prova oral;
- 4) Foto kópia sertidaun RDTL;
- 5) Foto kópia Bilhete Indentidade (BI) ou kartaun eleitór (KE);

- 6) Deklarasaun bom komportamentu (Karik seidak iha bele apresenta ou notifika wainhira passa ba prova oral)

Dokumentu hirak mensiona iha leten tenke dirije ba Presidente Júri hodi submete direktamente ba Diresaun Gestau Rekursus Humanus (DGRH) PDHJ iha edifisiu Caicoli-Dili, Timor-Leste, ka bele kontaktu (Nú. 78086710/77584220). Rekerimentu hahú hatama iha loraun 01 Setembru 2025 no loraun ikus liu hatama rekerimentu iha loraun 12 Setembru 2025, horas 08.30 to'o 16. 30 OTL.

VI. Kompozisaun Júri

Ekipa júri ba rekrutamentu no selesaun ida ne'e kompostu husi:

- 1) Ambrosio Graciano Soares, PDHJ-Presidente Júri
- 2) Filomena Maria de F. Dias, PDHJ- Vogal
- 3) Teresinha Ximenes, PDHJ-Vogal
- 4) Valentim dos Rosario Babo, CFP-Vogal
- 5) António Amaral, CFP-Vogal

VII. Métodu selesaun no sistema klasifikasaun final

Métodos selesaun liu husi análise currículum vitae (CV), prova escrita no prova entrevista. Klassifikasaun final mai husi média aritmética simples husi klasifikasaun sira ne'ebé hetan husi métodos selesaun sira, iha eskala husi 0 to'o 100 pontos. Kandidatu/a sira ne'ebé nia valor mínima 60 ba leten bele hakat ba etapa intrevista no kandidatu/a ne'ebé valor bo'ot liu no prenxe rekeztus husi avizu ida ne'e mak sei selebra kontratu servisu ho PDHJ.

VIII. Materia ba selesaun

1. Konstituisaun Republika Demokrátika Timor Leste (KRDTL);
2. Estatutu PDHJ Lei nú.7/2004, alterasaun Primeiru, Lei nú.31/2016;
3. Estatutu Funsau Públika Lei nú.8/2004, alterasaun ba Lei nú.5/2009;
4. Lei Organiku PDHJ Dekréto Lei nú.25/2011, alteriasaun I, Lei nú.31/2016;
5. Tratados internasionaun relasiona ho direitus humanus ne'ebé estadu Timor Leste ratifika ona;
6. Boa Governasaun, Direitus Umanus Jeral no Administrasaun Públiku;
7. História Timor Leste.

IX. Publikasaun Rezultadu

Kandidatu/a ne'ebé admitidu ba konkursu no lista klasifikasaun final sei fó sai iha kuadru avizu PDHJ, Rua de Caicoli Dili, Komisaun Funsau Públika nomos liu husi meius komunikasaun seluk hanesan facebook PDHJ, website www.pdhj.tl no Portal CFP.

Dili, 29 Augustu 2025

Ambrosio Graciano Soares
Presidente Júri

